

7
角名軌軌
七五

余靈怡書三十二種

5072

蘭臺軌範卷七

吳江徐靈胎洄溪著

疫癘鬼症

素問

遺篇刺法論黃帝曰。余聞五疫之至。皆相染易。無問大小。病狀相似。不施救療。如何可得。不相移易者。岐伯曰。不相染者。正氣存內。邪不可干。避其毒氣。天牝從來。天牝內經注云。鼻也。空虛能受天出於腦。即不邪。干氣出於腦。即先想心。如日欲將入於疫室。先想青氣自肝而出。左行於東。化作林木。次想白氣自肺而出。右行於西。化作戈甲。次想赤氣自心而出。南行於上。化作燭明。次想黑氣自腎而出。北行於下。化作水。次想黃氣自脾而出。存於中央。化作土。五氣護身已畢。以想頭上如北斗之煌煌。然後可入於疫室。又一法。於春分之日。日未出而吐之。又一法。於雨水日後。三浴以藥泄汗。

病源

一歲之內。節氣不和。寒暑乖候。或有暴風疾雨。霧露不散。則民多疾疫。無長少卒皆相似。如有鬼厲。故云疫癘。

中惡。精神衰弱。為鬼神之氣卒中。卒然心腹刺痛。悶亂欲死。凡卒中惡。腹大而滿者。診其脉緊大而浮者。死。緊細而浮者。生。又中惡吐血數升。脉沉數細者。死。浮大如疾者。生。然吐血多者。多係中惡。莫作

治血

尸厥。陰陽逆也。其狀如死。猶微有息而不恒。脈尚動而形無知也。脉沉大而滑。身溫而汗。此為入腑。氣復自愈。若唇青身冷。此為入臟。即死。

鬼擊 謂鬼竊之氣擊著於人也。得之無漸。如人以刀矛持刺狀。胸脇腹內絞急切痛。不可抑按。或吐血。或鼻中出血。或下血。一名為鬼排重者死。

卒魘 魂魄外遊。為他邪所執。欲還未得。忌火照之。照則神魂遂不復入。乃死。若在燈光前魘者。是本由明出。不忌火。

三尸諸蟲 其蟲與人俱生。而此蟲忌血。能與鬼靈相通。常接引外邪。為人患害。其發作之狀。或沉沉默默。不知所苦。而無處不惡。或腹痛脹急。或礫塊踊起。或攣引腰脊。或精神雜錯。變狀多端。其病大同小異。但以一方治之者。故名諸尸也。

尸注 是五尸內之尸注。而挾外鬼邪之氣。流注身體。令人無處不惡。每節氣改變。輒至。大惡積月累年。漸就頻滯。以至於死。死後復易旁人。乃至滅門。以其尸病注易旁人。故謂尸注。

喪尸 人有年命衰弱。至於喪死之處。心意有所畏惡。其身內尸蟲。性既忌惡。便更接引外邪。共為疹病。其發亦心腹刺痛。脹滿氣急。但逢喪處。其病則發。故謂之喪尸。

尸氣 人有觸值死尸。或臨尸。其尸氣入腹內。與尸蟲相接成病。其發亦心腹刺痛。脹滿氣急。但聞尸氣則發。故謂之尸氣。

諸注 謂邪氣居住人身內。故名為注。又注易旁人也。乃有三十六種。九十九種。而方皆不顯其名。所載有風鬼轉生死邪氣。寒熱冷蠱毒惡忤遁走溫喪哭殃食水骨血溫痺勞微泄石產土飲。以上諸注。皆正氣虛而邪氣傳綿也。與諸尸病相近。

又有九種注

一曰風注

二曰寒注

三曰氣注

四曰生注

五曰涼注

六曰酒注

七曰食注

八曰水注 九曰尸注

疫癘方

小金丹方

辰砂二兩水磨雄黃一兩辰砂二兩水磨雄黃一兩紫金半兩愚按以金箔同藥研之可為細末同入合中外固了地一尺築

地實不用爐不須藥制用火二十斤燬之也七日終不常令火候冷七日取次日日出合子確合子即磁取出

順日研之順日研之謂左旋三日煉白沙蜜為丸如梧子大每日望東吸日華氣一口冰水下一丸和氣咽之

服十粒無疫干也

還魂湯金救卒死客忤死

麻黃三兩去節杏仁七十個甘草一兩炙千金右三味水八升煮取三升去渣分令咽之通治諸

感忤千金方云此方主卒忤鬼擊飛尸諸奄忽氣絕復覺或已無脉口噤拘不開去齒下湯湯入口

不下者分病人髮左右足踏肩引之藥下復增取一升須臾立甦

又方

韭根一把烏梅仁七枚吳茱萸半升炒右三味以水一斗煮之以病人櫛內中三沸擲浮者生沉者死

煮取三升去滓分飲之

外臺走馬湯附金匱方治中惡心痛腹脹大便不通并通治飛尸鬼擊

巴豆二枚去心熬杏仁二枚右二味以綿纏搥令碎熱湯二合捻取自然汁飲之當下老小量之

雄黃粉千金治卒中鬼擊及刀兵所傷血漏腹中不出煩滿欲絕雄黃一味為末以酒服一刀圭日三

血化為水

治瘟方外臺 瘟疫轉相染著至滅門延及外人無收視者

赤小豆

鬼箭羽

鬼臼

雄黃研

丹砂各二兩

右五味搗末蜜丸如小豆大服一丸可

與病人同床

辟瘟殺鬼丸外臺

虎頭骨

五兩

硃砂

一兩半研

鬼臼

一兩

雄黃

半兩

皂莢

一兩

雌黃

半兩

蕪荑

一兩

右七味搗篩以蠟蜜

和彈丸大絳囊盛繫臂男左女右家中置屋四角月朔望夜半中庭燒一丸忌生血物

八毒赤丸

寶鑑

治鬼疰病

雄黃

礬石

硃砂

附子

泡

藜蘆

丹皮

巴豆

略一

蜈蚣

一條

為末蜜丸小

豆大每服五七丸冷水送下無時

礬石或作礬石

紫金錠

蘇合丸

二方俱見通治

諸疸

附黃汗

素問

平人氣象論。溺黃赤安臥者黃疸已食如饑者胃疸目黃者曰黃疸

金匱

跌陽脉緊而數數則為熱熱則消穀緊則為寒食即為滿脉緊而數則有熱兼有寒故用

跌陽緊為傷脾風寒相搏食穀即眩穀氣不消胃中苦濁濁氣下流小便不通陰被其寒熱流膀胱身體

盡黃名曰穀疸額上黑微汗出手足中熱薄暮即發膀胱急小便自利名曰女勞疸如水狀不治心中

懊懣而熱不能食時欲吐名曰酒疸夫病酒黃疸必小便不利其候心中熱足下熱是其證也酒疸

心中熱欲吐者吐之愈。酒疸下之久久為黑疸。目青面黑。心中如噉蒜齏狀。大便正黑。皮膚爪之不仁。脉浮弱。雖黑微黃。故知之。黃家從濕得之。一身盡發熱。面黃。壯熱在裏。當下之。黃疸之病。當以十八日為期。治之十日以上。瘥反劇。為難治。疸而渴者。其疸難治。疸而不渴者。其疸可治。發於陰部。其人必嘔。陽部。其人振寒而發熱也。黃汗之病。兩脰自冷。假令發熱。此屬歷節。食已汗出。又身常暮臥。盜汗出者。必榮氣也。若汗出已反發熱者。久久其身必甲錯。發熱不止者。必生惡瘡。若身重汗出已輒輕者。久久必身瞶。瞶即胸中痛。又從腰以下必汗出。下無汗。腰髀弛痛。如有物在皮中狀。劇者不能食。身疼痛。煩燥。小便不利。此為黃汗。

病源

黃病 黃病者。一身盡瘥。發熱。面色洞黃。七八日後。壯熱口裏有血。當下之法。如純肝狀。其人少腹內急。若其人眼睛澀疼。鼻骨疼。兩膊及項強。腰背急。即是患黃。多大便澀。但令得小便利。快即不慮死。不用大便多。多即心腹脹不存。此由寒濕在表。則熱蓄於脾胃。腠理不開。瘀熱與宿穀相搏。煩鬱不消。則大小便不利。故身體面目皆變黃也。利小便為治黃總訣

急黃 脾黃有熱。穀氣鬱蒸。因為熱毒所加。故猝然發黃。心滿氣喘。命在頃刻。故云急黃也。
勞黃 脾臟中風。風與瘀熱相搏。故令身體發黃。額上微黑。汗出手足中熱。薄暮發。膀胱急。四肢煩。小便自利。名為勞黃。

腦黃 熱邪在骨髓。腦為髓海。故熱氣從骨髓流入于腦。則身體發黃。頭痛眉疼。
陰黃 陽氣伏。陰氣盛。熱毒加之。故但身面色黃。頭痛而不發熱。名為陰黃。
癖黃 氣水飲停滯。結聚成癖。因熱氣相搏。則鬱蒸不散。故脇下滿痛。而身發黃。名為癖黃。

噤黃 心脾有瘀熱。心主於舌。脾之絡脉出於舌下。若身面發黃。舌下大脉起青黑色。舌噤不能語。名為噤黃。

五色黃 凡人著五種黃。其人冥漠不知東西者。看其左手脉。名手肝脉。兩筋中其脉如有如無。又看近手屈肘前臂上。當有三歧脉。中央者名為手肝脉。兩廂者名歧脉。看時若肝脉全無。兩廂壞。其人九死一生。若中央脉近掌三指道。有如不絕。其人必不死。

酒疸 虛勞之人。飲酒多進穀少。則胃内生熱。因大醉當風入水。則身目發黃。心中懊痛。足脛滿。小便黃。面發赤斑。

穀疸 穀疸之狀。食畢頭眩。心忪怫鬱不安而發黃。由失飢大食。胃氣衝熏所致。

女勞疸 其狀身目皆黃。發熱惡寒。小腹滿急。小便難。由大勞大熱。而交接即入水所致也。

黑疸 黑疸之狀。小腹滿。身體盡黃。額上反黑。足下熱。大便黑是也。諸疸久久多變為黑疸。

黃漢之為病。身體洪腫。發熱汗出不渴。狀如風水。汗染衣。正黃如柏汁。其脉自沉。此由脾胃有熱。汗出而入水中。浴若水入汗孔中。得成黃汗也。

諸疸方

茵陳蒿湯_金 穀疸之為病。寒熱不食。食即頭眩。心胸不安。久久發黃。為穀疸。此湯主之。

茵陳蒿_{六兩} 梔子_{十四枚} 大黃_{二兩} 右三味以水一斗。先煮茵陳減六升。納二味煮取三升。去滓分

溫三服。小便當利。尿如皂角汁狀。色正赤。一宿腹減。黃從小便去也。

消石礬石散_金 黃家日晡所發熱。而反惡寒。此為女勞得之。膀胱急。少腹滿。身盡黃。額上黑。足下熱。因

作黑疸。其腹脹如水狀。大便必黑。時澹。此女勞之病。非水也。腹滿者難治。此方主之。

消石 礬石燒等分

右二味為散。以大麥粥汁和服。方寸七。日三服。病隨大小便去。小便正黃。大

便正黑。是候也。

梔子大黃湯金 酒黃疸。心中懊懣。或熱痛。此方主之。

梔子十四枚 大黃一兩 枳實五枚 豉一升 右四味以水六升。煮取二升。分溫三服。

桂枝加黃耆湯金 諸病黃家。但利其小便。假令脈浮。當以汗解之。此方主之。亦主治黃汗。

桂枝 芍藥 甘草各二兩 生姜三兩 大棗十二枚 黃耆二兩 右六味以水八升。煮取三升。溫服

一升。須臾飲熱稀粥一升餘。以助藥力。溫覆取微汗。不汗更服。

猪膏髮煎金 諸黃主之。

猪膏半斤 亂髮如雞子大三枚 右二味和膏中煎之。髮消藥成。分再服。病從小便出。

茵陳五苓散金 黃疸主之。

茵陳蒿末一錢 五苓散五分 右二味和先食飲方寸匕。日三服。此利小便之法。

大黃消石湯金 黃疸腹滿。小便不利而赤。自汗出。此為表和裏實。當下之。

大黃 黃柏 硝石各四兩 梔子十五枚 右四味以水六升。煮取二升。去渣納硝。更煮取一升。頓

服。黃疸變臨滿者最

麻黃醇酒湯金 治黃疸。

麻黃三兩 以美清酒五升。煮取二升半。頓服盡。冬月用酒。春月用水。

黃疸方金 治身目皆黃。皮肉癢塵出。

茵陳一把 梔子二十枚 石膏一斤 以水五升。煮二升。取二升半。去渣。以猛火燒石膏令赤。投湯中沸定。

服一升。覆取汗。周身以粉粉之。不汗更服。燒石膏之義甚精妙

赤苓散千金 主黑疸身皮大便皆黑

赤小豆三十枚 茯苓六銖切 雄黃一銖 瓜丁四銖 女萎六銖 甘草二銖炙 以水三升。煮豆茯苓取八合。搗四

味為散。和半錢服之。須臾當吐。吐則愈。亦主一切黃

寒水石散千金 主肉疸飲少小便多。白如泔色。此病得之從酒

寒水石 白石脂 括蕪各五 知母 兔絲子 桂心各三 搗篩為散。麥粥服五分。日三服。

五日知十日差。此方不常用聊備一格

女勞疸千金 治黃疸之為病。日晡所發熱惡寒。少腹急。體黃額黑。大便黑溏洩。足下熱。此為女勞也。腹

滿者難療

滑石研 石膏研各五兩 為散。麥粥汁服方寸匕。日三。小便極利差。

牛疸千金 酒疸身黃麴塵出。此主之。

牛疸一枚 大黃八兩 芫花一升 薤花半斤 右三味。以酒一升。切三味漬之一宿。煮減半。去渣納牛

胆。微火煎。令可丸。丸如豆大。服一丸。日移六七尺。不知更服一丸。膈上吐。膈下痢。或不吐痢而愈。

救急三十種黃方外臺 用雞子一顆。并殼燒灰。研酢一合。又溫之。總和頓服。身體眼暗極黃者。不過三顆。

鼻中蟲出神效

療黃疸方外臺 取生小麥苗。搗絞取汁。飲六七合。晝夜三四。飲三四日。便愈。無小麥苗。穰麥苗亦得。

近效瓜蒂散外臺 療黃疸

瓜蒂二枚 赤小豆七枚 生秫米二枚 丁香二枚 右四味。搗篩。重者取如大豆二枚。各著一枚。鼻孔

中痛縮鼻須臾鼻中凝清黃水或從口中出升餘則愈病輕者小豆大則可不愈間日復頻用效或使人以竹筒極力吹筭中無不死者嗅鼻出黃水唐以前即有此法或用束腰葫蘆內白膜研細加麝少許吹鼻亦能出水

麻黃連軹赤小豆湯論傷寒治傷寒瘕熱在裏身必發黃此主之

麻黃二兩去節連軹二兩赤小豆一升杏仁四十粒甘草二兩生梓白皮一升生姜二兩大棗十二枚右以

潦水一斗先煮麻黃去沫納諸藥煮取三升分溫三服此方治傷寒餘邪未盡之黃與諸證微別

黃耆芍藥桂枝苦酒湯論金黃汗之為病身體腫發熱汗出而渴狀如風水汗沾衣色正黃如檗汁脉自

沉以汗出入水中浴水從汗孔入得之此湯主之

黃耆五兩芍藥三兩桂枝三兩右三味以苦酒一升水七升相和煮取三升溫服一升當心煩服

至六七日乃解若心煩不止者以苦酒阻故也一方以美生醴代苦酒此病在表不在裏金匱等書

發必中者何也蓋痘之重者有囊在腹中包裹黃水藥不能入非決破其囊或提其黃水出

小建中湯論通瓜蒂湯論方見情志臥夢

情志臥夢

靈素

靈大惑論五臟六腑之精氣皆上注於目而為之精精之窠為眼骨之精為瞳子筋之精為黑眼血之精為絡其窠氣之精為白眼肌肉之精為約東裏攢筋骨血氣之精而與脉并為系上屬於腦後出於項中故邪中於項因逢其身之虛其入深則隨眼系以入於腦則腦轉腦轉則引目系急目系急則目眩以轉矣邪同其精其精所中不相比也則精散精散則視歧視歧見兩物目者五臟六腑之精也榮衛魂魄之所常榮神氣之所生也故神勞則魂魄散志意亂是故瞳子黑眼法於陰白眼赤脈法於陽也故陰陽合

傳而精明也。目者心使也。心者神之舍也。故精神亂而不轉。卒然見非常處。精神魂魄散不相得。故曰感也。素舉痛論帝曰。余知百病生於氣也。怒則氣上。喜則氣緩。悲則氣消。恐則氣下。寒則氣收。炆則氣泄。

驚則氣亂。勞則氣耗。思則氣急。

陰陽氣象大論。東方生風。在聲為呼。在變動為握。在志為怒。怒傷肝。悲

勝怒。所勝即五行生起之理。

南方生熱。在聲為笑。在變動為憂。在志為喜。喜傷心。恐勝喜。中央生濕。在聲為歌。在變

動為噦。在志為思。思傷脾。怒勝思。西方生燥。在聲為哭。在變動為咳。在志為憂。憂傷肺。喜勝憂。北方生寒。

在聲為呻。在變動為慄。在志為恐。恐傷腎。思勝恐。

調經論。神有餘則笑不休。神不足則悲。血有餘則怒

不足則恐。

血並於陰。氣並於陽。故為驚狂。血並於陽。氣並於陰。乃為炆中。血並於上。氣並於下。心煩惋

善怒。血並於下。氣並於上。亂而善忘。情志上

不卧多卧。

靈邪客篇。黃帝問於伯高曰。夫邪氣之客人也。或令人目不瞑。不卧出者。何氣使然。伯高曰。

五穀入於胃也。其糟粕津液宗氣分為三隧。故宗氣積於胸中。出於喉嚨。以貫心脉而行呼吸焉。榮氣者。

泌其津液。注之於脈。化以為血。以榮四末。內注五臟六腑。以應刻數焉。衛氣者。出其悍氣之慄疾而先行

於四末。分肉皮膚之間。而不休者也。晝日行於陽。夜行於陰。常從足少陰之分間。行於五臟六腑。今厥氣

客於五臟六腑。則衛氣獨衛其外。行於陽。不得入於陰。行於陽。則陽氣盛。陽氣盛。則陽蹻陷。不得入於陰。

陰虛。故目不瞑。黃帝曰。善治之奈何。伯高曰。補其不足。瀉其有餘。調其虛實。以通其道。而去其邪。飲以半

夏湯。一劑陰陽以通。其卧立至。

大惑論。黃帝曰。人之多卧者。何氣使然。歧伯曰。此人腸胃大。而皮膚濕

而分肉不解焉。

善食人多善卧。往往如此。

黃帝曰。卒然多卧者。何氣使然。歧伯曰。邪氣留於上焦。閉而不通。已食若飲

湯。衛氣留久於陰。而不行。故卒然多卧焉。

不夜瞑。不晝瞑。靈榮衛生會篇。黃帝曰。老人之不夜瞑者。何氣使然。少壯之人不晝瞑者。何氣使然。歧

伯答曰。壯者之氣血盛。其肌肉滑。氣道通。榮衛之行。不失其常。故晝精而夜瞑。老者之氣血衰。其肌肉枯。氣道澇。五腠之氣相搏。其榮氣衰少。而衛氣內伐。故晝不精。夜不瞑。寒熱病篇。陽氣盛則瞑目。陰氣盛則瞑目。

不得卧。素逆調論。不得卧而息有音者。是陽明之逆也。足三陽者下行。今逆而上行。故息有音也。陽明者。胃脈也。胃者。六腑之海。其氣亦下行。陽明逆不得從其道。故不得卧也。下經曰。胃不和則卧不安。此之謂也。夫起居如故。而息有音者。此肺之絡脈逆也。絡脈不得隨經上下。故留經而不行。絡脈之病人也。微故起居如故。而息有音也。夫不得卧。卧則喘者。是水氣之客也。夫水者。循津液而流也。腎者水臟。主津液。主卧與喘也。以上卧按風邪於陰經亦多卧

靈淫和發夢篇。陰氣盛則夢涉大水而恐懼。陽盛則夢大火燔炳。陰陽俱盛則夢相殺。上盛則夢飛。下盛則夢墮。甚飢則夢取。甚飽則夢予。肝氣盛則夢怒。肺氣盛則夢恐懼。哭泣飛揚。心氣盛則夢喜笑。恐畏脾氣盛則夢歌樂。身體重不舉。腎氣盛則夢腰脊兩解不屬。素脈要精微論。短蟲多則夢聚。長蟲多則夢相擊毀傷。以上夢

情志卧夢方

半夏秫米湯

靈樞

以流水千里以外者八升。揚之萬遍。取其清五升。煮之。炊以葦薪火。沸置秫米一升。治

半夏五合。徐炊令竭。為一升半。去其滓。飲汁一小杯。日三。稍增以知為度。故其病新發者。覆杯則卧。汗

出則已矣。久者三飲而已也。漢時一斗僅今二升。余親見古銅量一枚較準如此。

半夏麻黃丸

金匱

心下悸者。此主之。

半夏

麻黃等分

右二味末之。煉蜜丸。小豆大。飲服三丸。日三。此治飲在心下者。

桂枝救逆湯金 火邪者主之

桂枝三兩 甘草二兩 生姜三兩 牡蠣五兩 龍骨四兩 蜀漆三兩 洗去腥 大棗十二枚 右七味末之。以水一

斗二升。先煮蜀漆減二升。納諸藥煮取三升。去滓溫服。

黃連阿膠湯傷寒論 治少陰病。心中煩不得卧。

黃連四兩 黃芩一兩 芍藥二兩 阿膠三兩 雞子黃二枚 右五味。以水六升。先煮三物。取二升。去渣

納阿膠烱盡。少冷。納雞子黃攪和。溫服七合。此治腎氣冲心之不得卧。故清心火以納腎氣。

酸棗仁湯金 治虛勞虛煩不得眠。

酸棗仁二升 甘草一兩 知母 茯苓 川芎各二兩 右五味。以水八升。先煮棗仁取六升。納諸

藥煮取三升。分溫三服。同一心煩不眠。而用藥迥別。何醫者之多不審也。此方外臺有加乾姜者。亦可採取。

溫膽湯金 治大病後虛煩不得眠。此膽寒故也。宜服。

半夏 竹茹 枳實各二兩 橘皮三兩 生姜四兩 甘草一兩 右六味咬咀。以水八升。煮取二升。

分三服。又一不眠之症。方中一味。生姜已足。散胆中之寒。庸醫則必以熱藥溫胆。須知胆為清虛之腑。無用熱補之理也。

治多忘金

菖蒲二分 茯苓 茯神 人參各五 遠志七分 右五味。治下。篩酒服方寸匕。日二夜一。五日

後知神良。

枕中方針 治好忘。

龜甲炙 龍骨 遠志去心 菖蒲等分 右四味治下。篩酒服方寸匕。日三。常服令人大聰。

鎮心省睡益智方金

遠志五十兩

益智子

菖蒲兩八

右三味為末以醇糯米酒服方寸匕一百日有效秘不令人知

療虛煩不可攻方外臺

青竹茹二升

以水四升煮取三升去渣分溫五服

梔子豉湯見傷寒

補心丸

天王補心丹

道藏鎮心丸

以上三方俱見通治

五竅病耳目鼻口齒

靈樞

靈脉度篇五臟不和則七竅不通

耳

靈素

靈應氣篇精脫者耳聾

液脫者耳數鳴

素繆刺論邪客於手陽明之絡令人耳聾時不聞者刺手大

指次指爪甲上去端如韭葉許各一痛立聞不已刺中指爪甲上與肉交者立聞其不時聞者不可刺也

此乃邪氣入絡卒然所得之症故可刺耳聾刺手陽明不已刺其通脉出耳前者

病源

耳聾

津液為風熱所乘結鞭成丸塞耳

耳方

補腎治五聾方千金

治勞聾氣聾風聾虛聾毒聾如此久聾耳中作聲

草麻仁五分

杏仁去皮

桃仁去皮

蠟八分

菖蒲

磁石各一兩

巴豆仁一分

石鹽三分

附子泡

通草各半

薰陸香一分

松脂半兩

右十二味

先搗諸草石等令細別搗諸仁如脂加松脂及蠟合

搗數十杵可丸乃止取如棗核大綿裹塞耳一日四五度出之轉捻不過三四度日一易之

從蓉丸生濟 治腎虛耳聾或風邪入於經絡耳內虛鳴。

肉從蓉 山萸肉 石龍芮一名胡椒菜 石菖蒲 兔絲子 羌活 鹿茸 石斛 磁石

附子略一 全蠍七個 麝香半字 右為末煉蜜丸梧子大每服百丸空心酒下或鹽湯下。

麝香佛手散奇效 治五般耳出水者。

麝香少許 人牙煨過存性出火毒 以

煮酒調一字服之即出。

磁石猪腎羹養老書 治老人久患耳聾養腎臟堅骨氣。

磁石一斤并碎水淘 猪腎一對去脂 右以水五升煮磁石取二升去磁石投腎調和以葱豉薑椒

作羹空腹食之作粥及入酒並得。

通耳法生濟

磁石用緊者如豆大一塊 穿山甲燒存性為末一字 右用新綿紙裹了塞耳口中銜少許鐵覺耳內如風雨即愈。

方用斑毛一個巴豆一粒研細綿裏塞耳痛取出。

按此症如有火者服清火藥腎虛者服補腎藥隨症施治無定方也

目

靈素

靈論疾診尺篇診目痛赤脈從上下者太陽病從下上者陽明病從外走者少陽病不明素解精微論夫風之中目也陽氣內守於精是火氣燭目故見風則泣下也。

目方

七寶散千金

主目翳經年不愈方。

琥珀 珠子 珊瑚 决明子 紫貝 石胆 馬珂旂一硃砂二分 麩仁五錢 右

為細末傳目中如小豆大目三大良

去醫方千金 目子十枚 右為末取如胡豆著醫上日再正仰卧令人傳之如炊一石米久乃拭之有

息肉者加珍珠如貝子等分研如粉

補肝丸千金 主明目

地膚子 藍子 蒺藜子 車前子 瓜子 兔絲子 羌蔚子各二兩 黃連半兩

青箱子一合 大黃二兩 决明子 細辛 火螢蟲各五 挂心五分 右十四味搗篩

煉蜜和丸如桐子大飲服下十五丸可加至二十九丸慎生冷油蒜等物眼暗神方也

磁硃丸倪微德原 治神水寬大漸散昏如霧露中行漸覩空中有黑花覩物成二體及內障神水淡綠色

淡白色及治耳鳴及聾

磁石二兩 辰砂一兩 神麴三兩 右三味更以一兩水和作餅煮浮入煎藥煉蜜丸每服十丸加至

三十九丸空心米湯下

石斛夜光丸 治神水寬大漸散昏如霧露空中有黑花覩物成二神水淡綠淡白色者

天門冬二兩 兔絲子七錢 人參 茯苓各二兩 甘菊 山藥 枸杞 石斛 杏仁各七錢

草决明八錢 麥冬 熟地 生地各二兩 肉苁蓉 青箱子 羚羊角鎊 蒺藜 川芎

甘草多 黃連 防風 枳殼 烏犀鎊各半 牛膝七錢

大每服三十五丸温酒鹽湯送下眼科藥不 右二十四味為細末煉蜜丸如桐子

羚羊角散方 治風熱毒上衝眼目暴發赤腫或生瘡疼痛隱澀羞明

羚羊角鑄車前子 甘草 黃芩 川升麻各二兩 決明子二十枚 龍胆草去蘆 山梔仁各五兩 右

為細末每服一錢食後溫熱水調下日進三服小兒可服五分

蟬花散治肝經蘊熱風毒上攻眼目翳膜遮睛赤腫疼痛昏暗視物不明隱澀難開多生眵淚內外

障眼

草決明炒 甘菊花 川芎不見火 蟬退洗去土 山梔子 穀精草 防風不見火 黃芩去土 蔓荊子

木賊草 羌活不見火 荊芥 蜜蒙花 白蒺藜炒去刺 甘草各等 右為末每服二錢用茶清

調服或用荊芥湯入茶少許調服亦得食後及臨卧時服此去翳通治方

洗眼藥養老書

膽礬一兩煨令白去火毒用 滑石一兩研 秦皮半兩 膩粉二錢 右四味每用一字湯泡候溫閉目洗兩皆頭以

冷為度胆礬入目極痛煨用頗宜按五竅之病惟目病最多所以另有專科此集略述內治數方以備揀取至於全體治法則當廣求眼方諸書而探計之風火時眼煎方即於丸散中擇對症之藥酌用可也

鼻

靈素

靈素

靈素無言篇人之鼻洞涕出不收者頑顙不開分氣失也素五臟別篇五氣入鼻藏于心肺心肺有病而鼻為之不利也

辛頰鼻淵

素氣厥論膽移熱於腦則辛頰鼻淵鼻淵者濁涕下不止也傳為衄衄瞑目衄血也故得之氣

厥也

鼻方